

敦夙好齋詩全集

葉中憲君傳

君諱名澧字翰源一字潤臣其先世自江南溧水遷漢陽世有魁碩巨儒祖繼雯在嘉慶間爲給諫侃侃建言世所稱雲素先生者也贈公志說屢舉京兆不售其家多金石文史博學能教子君少與兄名琛並著稱然兄由翰林累官督兩廣以撫夷晉男爵拜大學士而君當家門貴勢鼎盛之時僅一登丁酉鄉薦爲中書舍人居恆嗜詩於書無不窺曩於史館識君其後別十年至京過從益歡君盡刊所爲敦夙好齋詩示琦清微道厚駿

駁老杜並時諸子如梅伯言何子貞汪仲穆王少鶴劉  
炯甫之屬君皆與交然君自謂所學得山陽潘先生爲  
多遂執弟子禮故於山陽之卒痛惋屢見於詩君官內  
閣久歷史館玉牒館纂脩轉侍讀京察優等未幾由海疆  
捐輸予花翎咸豐八年夷事復熾君兄落職浮海涉印  
度贈公年老矣遠在嶺南萬里外君亟思侍親以貲出  
爲浙江試用道中途聞兄喪邑邑抵浙病瘧遽卒是爲  
咸豐九年八月朔日也年四十九子恩頤與胡君心耘  
續刊君遺詩丐琦爲傳先是君南來時飲滄浪亭言笑

竟日猶及和君淮上詩不意今日遂次君狀而爲之傳  
也其可悲已己未冬桂林朱琦

敦夙好齋詩續編目

卷一

咸豐甲寅正月至四月

薇省二集一

九十首

增一首

卷二

甲寅五月至十二月

薇省二集二

八十二首

卷三

乙卯

薇省二集三

七十一首

卷四

丙辰正月至八月

薇省二集四

七十八首

敦夙好齋詩續編

卷首

目

三

卷五

丙辰九月  
至十二月

薇省二集五

八十五首

增一首

卷六

丁巳正月  
至六月

薇省二集六

七十八首

卷七

丁巳七月  
八月

薇省二集七

八十七首

卷八

丁巳九月  
至十二月

薇省二集八

七十首

卷九

戊午正月  
至十月

養疴集

一百十二首

卷十

戊午十一月  
至己未三月

待次集

五十三首

卷十一

己未四月  
至六月

捧檄集

一百十八首

先大夫敦夙好齋詩初編十二卷始道光乙酉迄  
咸豐癸丑得詩八百九十八首皆手自刪存鏤板  
京師自甲寅後吟詠愈多數年之間又得詩九百  
二十四首未及芟訂而先大夫遽捐館舍嗚呼





敦夙好齋詩續編卷一

咸豐甲寅正月至四月

漢陽葉名澧翰源著

薇省二集一

正月四日對酒作

積雪一城遠高齋酒滿杯禦寒忘

去聲

裘做比戶喜春來

賀歲人情倦投林鳥侶催亭亭牆下竹天意獨深培

立春前一日吳稼軒舍人

昆田

邀飲

城市雪初霽春風明日來流光看燕鴈事業在樽罍古  
劍甯沈水黃金舊有臺前途須努力莫笑馬虺隤

人日遊陶然亭後孔繡山舍人

憲彝

招飲衍聖公

邸第之韓齋作詩

是日立春

侵晨偶躡城南屐欲和韓子登高詩孤亭四面俯積雪  
西山澹澹橫修眉韓齋主人有嘉約駑馬代步重闐遲  
宣武城北上公第三百餘載連棟棖文采羨君溢湖海  
致經意欲恢堂基芟華漑實衷至要賢關聖域漸可窺  
參差林樹蓄生態席間已覺東風吹盤蔬羅列果味雜  
菘韭以外珍肴隨冬來少致京東產估客筍橘無由齎  
痛飲不復問生事鬱鬱朝暮嗟何爲賓朋圍坐莊諧並

雉冠來自東海湄，吾儕交際事風雅。升斗深荷蒼旻慈，  
佳辰但記觴詠盛。素位而行無偏陂，中華冠裳表四裔。  
春秋不廢僑札詞，日星所覆載河嶽。識尊親者血氣維，  
升沈聚散等閒耳。人要休負車笠期，新人舊人題名在。  
披冊更感森輪馳，及時努力崇明德。莫待齒髮成枯衰，

夜柬張海門編修

金鏞

隔巷見明月，故人知未眠。新詩尊畔讀，靜夜柝聲傳。入  
夢數上亭堠，銷愁豈管絃。樓頭烟雨好，海門居嘉興其地有烟雨樓

風景勝晴川

題孔恭愨公畫蘭

公名毓圻字鍾在一字朔宸別號蘭堂至聖先師六十七代

孫襲封衍聖公晉太子少師吾友繡山舍人其五世孫也

奇草難諧眾空山性自真芬香悅知己哀怨異騷人采采光風遠欣欣泗澤春靈根終不滅耐此雪霜辰

題食味雜詠

凡詩一百一首嘉善謝公塘所作乾隆中官吏部侍郎

古人賦物必有託豈貴藻績成詞章靈均離騷二十五餐菊紉蕙傳芬芳凡厥食品登篇什蠶稼章舉韓子詳蠻瘴卑溼苦遷謫雙埃隻埃皆殊鄉東墅先生際明盛養疾時居金門旁童年山水記游歷樵漁農圃耿不忘



營營走薄笨春波初暖思輕航展觀未竟干感集蹠涉  
之末嘲蒙莊

正月初八日入直作

中書堂啓禁林高職事清嚴歲月勞已分空山謀著述  
那堪塵土戀征袍睡壺擊碎心難已竿木於今氣不豪  
福地從容人事遠願將鏡曲譜吟毫

懷左景喬舍人

宗植

華省賡酬閱幾春別來詩思付逡巡抽身不入中書直  
羨爾寒江獨釣人

偶成

蠢蠢隨朝列悠悠念故鄉十年忘老大一夢忽滄浪  
凍柳春猶淺飢鳥晚獨忙眼前參眾理無語對蒼茫

懷王子壽兄

相心

荊州

天涯思我友荆渚一荒莊感事付樽酒養親惟草堂  
經年魂夢阻滿地甲兵忙矯首看飛鴈春來定幾行

邊袖石御史

浴禮

過談有贈

數畝荒廬吏隱間君來談藝暫開顏短衣莫遂從軍樂  
夜雪猶思把釣閒海上何人求大藥寰中到處可名山

會須沽飲休愁債種柳南村不易攀

答同年孫飲生舍人

家醪

二首

東掖門前路年年策騎過與君同橐筆暇日付高歌酒  
肆題襟徧離亭折柳多

昔年同宿諸君半皆歸去

卑官無寸展那復

歎蹉跎

烽火連吳楚吾廬未可知松楸虛展祭猿鶴問歸期涉  
世雲無著謀生鴈忍飢時艱應早定退食共委蛇

早春入直同吳稼軒

東華殘雪後並轡覺春寒日色層樓近鐘聲禁籞闌相



將酬職業那敢薄微官清切絲綸地憂時媿素餐

柬友

千里提封蹟民心大可收膏腴根地脈攻擊異荒陬諫  
院風猶昔訐謨事早籌芻言如自採蠲賦首燕州

題黃樹齋師年記後

蓋棺事云已公論付千秋肝膽

先皇識封章史館求愛才延後進勝會亦風流寂寞江  
亭路停車起暮愁

贈黃子幹

秩林

旅食京華獨掩扉去留莫問意多違  
淒涼活計憐巢燕辛苦窮年事嫁衣  
賓客琴樽今孰繼關山鋒鏑更焉依  
西洲門下羊曇在憶舊難禁涕淚揮

十日不見孔繡山作此柬之

經旬不見韓齋客迢遞重城定索居  
豪氣未除樽有酒良辰每歎出無車  
淒淒冰雪春方淺渺渺山林願竟虛  
一笑腐儒成底事聊憑殘卷作菑畬

書復社姓氏錄後

家國傷心不可謀但將姓字問千秋  
清流白馬終成禍

碧血丹心竟莫酬，填海冤禽疑怨魄。涉江蘭草託離憂，一朝盛節偏餘憾。魁首名貽浪子羞。

孔繡山屬題朱竹垞先生硯冊

硯背有銘記康熙辛酉先生典試江

南所用者

江南文字藪奉使說朱公不負孤寒，淚能爲大雅宗。硯痕留鸚鵡詩侶，弔金風信宿棲霞頂。拈毫想像中。

昔年秋杪

先生游攝山信宿乃還得詩四首金風亭長其別號也

正月二十六日夜雪

陽春招不至，斗室耐奇寒。微雪下庭際，凍禽啼樹端。囊

敦夙好齋詩續編

卷一

六

琴時一弄斗酒未成歡寂寞江皋路何年把釣竿

曩年閣中姚鏡塘

學埭

李蘭卿

彥章

吳蘭雪

嵩梁

陳範川

鴻墀

湯茗孫

儲璠

徐星伯

松

吳西穀

清皋

端木鶴田

國瑚

諸前輩退直之暇以商推文字爲

樂諸君先後下世而文采風流令人猶追念及之

感成三絕

敝車羸馬東華路十二年來聽曉鐘不及承平諸老輩

琴樽無恙自從容

中書堂畔映疏槐故事難徵大雅才朝暮坐看階蔭轉

百年舊植問誰栽

吳侯老作南昌守宦橐蕭然一櫝輕開寶宗風能不墜

五言獨許列長城

諸前輩中與名體同入直者惟西穀先生先生作詩極多五言律爲尤工

後以侍讀歷官江

西南昌守告歸卒

讀竹葉庵詩集

乾隆間吳張瘦銅舍人填著

絲綸閣下中書筆小臣名姓

君王識酒國詩壇退食餘卻憶乾隆全盛日紫薇開落  
秋復春百年不見花間人冠裳酬酢事儒雅安得風俗

今還宿

敦夙好齋詩續編

卷一

七

懷林薌谿

昌彝君以所著三禮通釋進呈賜教授歸

北闕獻書後銜

恩歸故山文章增激宕歲月飽憂患籌議終何補談經  
未肯閒世途一蒿目何日關榛菅

懷沈舜琴同年

敦治

憶汝出爲宰春風臨桂城山川昔云美盜賊幾時平  
野招行旅安民首課耕柳州游覽地暇日富詩情

長歌柬吳稼軒舍人

飢鴉啼曙春風寒聯曹並轡趨金鑾車箱閉置氣哽咽

髭鬚凍結冰花攢十里廿里途遠近東華下馬行蹣跚  
雕甍飛宇望咫尺致身福地儕鸚鵡鸞政事堂高擲明代  
文皇以降殊多端輔臣獨數張太岳萬厯國步叢艱難  
私家恩怨來謗議隻手力障邊疆完我

朝定制有損益名公碩彥論不刊批答用代

天子事諸相咨度勞堂餐迄今中書日秉筆文墨虛耗  
精力殫

內宮久拓樞垣地舊章不廢非美觀豈無絕塵二三子  
詩翁酒伴相盤桓鄙人應官十二載送往迎來霜露漫

國家仕宦有資格倖進敢以他途干窮通修短屬分定  
葵藿白矢方寸丹平生誦讀究何學居易以俟胡憂歎  
休沐歸來吐鬱轡吳鉤起舞千花溥神仙變幻空復爾  
孤枕安用求邯鄲作此長歌訊吳子悠悠朝暮愁雙丸

和作

天門詖蕩天宇寒羣仙雜沓鏘鳴鑾九衢闐咽霧日  
積千蹠蹴踏雲爲攢就中有客自隴畝不衫不履行  
槃跚旁人指點笑且詫得無鴈鷺參鳩鸞此地從古  
號清切筆操天憲尊朝端寤于數言富萬卷鄭公夏



莫稱其難威枋倖竊太阿倒隹阿亦復名無完

昭代鑒此著成例較對畫一逾雕刊祕笈一編手各  
把瀑直居然非素餐葉子先我十年至愛我忘醜情  
爲殫公餘殷懃說掌故異書借讀成大觀方今梟獍  
在郊藪將軍仗節威桓桓閩粵伏莽尙汲汲江漢流  
毒何漫漫四野烽烟蔽白日兩階舞影揚朱干愁來  
輒從市上飲薄醉相看顏渥丹淵明歸來不可賦馮  
唐老去胡爲歎隙裏那復計日過草頭何必悲露溥  
直欲鼓棹艤滄海不然挾瑟游邯鄲安能長此戀雞

肋轉轉日抱蜣丸

寄陳秋穀同年

鳳孫

燕市昔爲客清狂莫復朝窮途幾知己顧曲太無聊秋  
色就長路若溪送去橈何時來酒市爲爾解金貂

卽事

良時難得冠裳集無限情懷逆旅中車馬不知人事倦  
故山花木又東風

直廬與學士陶鳧鄉丈

樑

晤談賦贈

冠蓋卅餘載趨

朝後輩多詩聲湖海集政事楚人歌

丈會分巡漢黃德道少作刊入王侍

郎和湖海詩傳

左掖叨簪筆三軍盼止戈具區春正暖未敢乞

漁蓑

### 龍樹寺

打包未覺殘僧倦題壁微嫌過客忙塵事勞形供佛笑  
坐聽松栝響虛堂

漢蓮勺宮行鐙歌爲王荅洲刑部

憲成作并序

銘曰蓮勺宮銅行鐙重一斤十兩地節三年嗇夫雍工馮  
木守屬仲造凡二十五字蓮勺工銅四字篆體餘二十

一字作隸體皆陰識審爲漢代物漢書宣帝本紀言微

時常困於蓮勺鹵中注如淳曰蓮勺縣有鹽池縱廣十

餘畝其鄉人名爲鹵中蓮音輦地理志蓮勺屬左馮翊

林華觀鐙不可見

林華觀行鐙五鳳二年造見宋薛尚功鐘鼎款識

蓮勺宮造

銘獨完歐陽蒐採昔云富猶恨未極平生觀

歐陽公嘗恨平生見

東漢文字多西漢文字少

行鐙之制西京重銜璧小異司羣官嗇夫

姓字藉不朽土埋薛護蒼翠攢一千九百二十載歲溯

甲寅尋支干

漢地節二年太歲在甲寅迄今一千九百二十一年

宣帝微時事游

俠鬪雞走狗相結歡英雄鬱鬱棲鹽澤泥沙未奮嗟龍

蟠未央長樂上璽治舊游在目陳艱難離宮別館究顛

末旂工塼埴兵火殘區區款識無缺蝕字體疑重神爲

寒不數丁諛尙技巧九龍五鳳輝長安

西京雜記長安巧工丁諛作恆

滿鐵九龍五鳳雜以芙蓉蓮藕之奇

我家藏器墮灰劫造物刻忌如求瘡

厚亡竟蹈負乘咎何必嗜好殊鹹酸君今此物幸長守

珍襲可敵千琅玕三年索詩苦未報才力那敢盟敦槃

技癢不忘見獵喜驚心江漢愁狂瀾儀徵相國今安在

文選高樓同浩歎

阮文達公元曩得五鳳五年敷藏之文選樓中數年前已燬于火

### 金鼇玉螭春望

玉竦橋頭望東風  
淑氣深瑤臺  
明積雪瓊島散  
流陰車馬人間事  
煙霞物外心  
清時容大隱  
隨地可山林

唐伯華舍人

恩壽

招集寓齋醉後走筆

烽火江關未忍言  
一官憔悴傍金門  
悲來思荷劉伶鍾  
伏處休誇阮籍禪  
萬事茫茫天道遠  
百年鼎鼎我生尊  
酒酣欲展陰符誦  
黯淡虛堂燭影昏

送丁頤伯戶部

壽昌

假歸省其尊人儉翁

人生最好還鄉里  
送汝偏教涕淚揮  
魂夢銷沈悲客子  
冰霜寂歷問庭闈  
蕭蕭匹馬嘶  
途永慘慘驚禽傍  
夜飛

努力此行惟自愛

觚稜北望早言歸

放歌題江漢圖

丈八蛇矛我未能一官落拓悲填膺矮屋打頭氣不屈  
欲與太華齊峻嶒南山迢遞歸未得圖書萬卷委鋒鏑  
敝車日走塵埃間蠹簡芸編墜胸臆侏儒飽死臣朔飢  
朝陽嘉樹來雞棲休沐連朝對妻子生計不問親尊疊  
黃金願鑄參軍事頌酒語達心孔悲春風東來冰始泮  
啾啾百鳥林間喚昨宵夢報將軍捷驛亭千里風光爛

晴川烟樹見江鄉一葉扁舟淩浩瀚老松大竹草堂阿  
周北張南近可喚鼓掌失笑忽在牀好事成空付長歎  
出門舉首雲模糊眼中顛倒楚與吳西樓黃鶴不可呼  
噫吁嘻西樓黃鶴如可呼淚灑壁間江漢圖

補題桂永平

餽

戴花騎象圖三絕句

先生字未谷山東曲阜人

乾隆庚戌科進士出宰雲南永平時羅兩峰山人聘繪此圖贈行其鄉人孔繡山舍人屬賦

桂君踪跡吾深悉回憶乾隆六十春老輩壺觴多逸興

說經永夜不辭煩

先生與先大父同年至好正部時諱甚密

蠻天作令樂如何騎象簪花醉欲酡蘆笛滿山聽不斷



太平景物眼中多

畫手神從阿堵傳韓齋藏弄有深緣九原可作稱知己

絕業猶存洎長編

先生所著說文義證彙本經繡山收藏不致佚失聞同人醵資校刻將竟

其書引據該洽當與金

壇段氏書并傳于世

醉後走筆

不飲坐無聊飲多輒成醉醉鄉別未旬攬鏡顛毛異春  
光過已半風雪猶爲崇元冥胡不遷青陽轉矜祕三五  
曩昔歡視我如昆季存者邈川嶽歿者沈幽邃文章失  
商榷道義乖肩背老大痛無聞將毋賢聖棄孤鐙光炯

炯照我羣經字所失焉可追得不戴吾事荒哉未糞田  
奢望倉箱利手板隨朝參匪勉廁儔類千門萬戶間縱  
飲一身寄觸目心苦非蓄憤爲趨避欲白平生衷官卑  
益多惴雕蟲付詠歌展轡含懣悴駑駘期十駕詎可方  
騏驥浩歎成長謠醒餘嘿能記獨撫公和琴任滅正平  
刺

微願

微願苦難遂中宵每起歎青山懷老屋春水負漁竿至  
樂庭闈好良辰嘯詠歡宦游偏我獨辛苦滯長安

感事有寄

烽煙殷楚北師旅老江東何日全威振相將醜類空時  
艱違伏枕我輩任飄蓬消息傳來渺雲天遲鴈鴻

庭中丁香未開

庭前丁香孰所種方春氣暖枝盈花竭來地凍時較晚  
乃似枯木紛杈枒世間萬事盡若此拙遲巧速千里差  
天公於物亦何厚長養富力蒸萌芽有如文字重根柢  
積久而發思無涯三旬豫想齊舒放過屋爛漫騰天葩  
江鄉桃杏盛千本目不及見傷幽遐獨茲一株對京國

轉愁苞蕊摧風沙牆角更倚竹蔥翠歲寒密影搖橫斜

浩歌行

近畿賊匪將就肅清復聞湖南岳州府河南永城縣皆失守

浹旬屢奏軍書捷京西餘賊心膽懾填街夾巷懽如雷  
快馬輕車復蹀躞梨園歌吹聲沸天游客招邀盛蜂蝶  
不似去年風鶴聞市井蕭條鮮酬接嗟哉蚩蚩不足道  
玉佩金魚步爭躡河南已陷臨睢城永城後漢爲臨睢縣遠望湖  
湘斷舟楫眾心悔禍理或然力挽狂瀾勝禳厭民俗相  
尋太古遺風霆一出羣邪讐峨峨

深宮久宵旰衮衮諸公費調燮韓碑柳雅臣能爲不惜

銘功鏤玉牒

贈王少和戶部

錫振

王君退直無一事訪我僻巷哦詩章我詩未足與君比  
望君肩背汗且僵燕粵聲名二十載蹤跡回首風花忙  
短衣匹馬事戎幕長劍在腰神不揚中流擊楫匪無意  
聞雞五夜時激昂黃鐘大呂有制作末技但解爲絲簧  
君于余也獨深許偶一嗜好痂偏嘗嗟哉大雅傳者幾  
前賢莫覩行佺偃薑桂性辣乖眾味舉世饜飫餘飴餽  
浮沈諸曹鮮所效自晒趨走侔馮唐有時越吟自激奮

那復刻意尋宮商醉中鄉國若咫尺徑欲出戶拏舟航  
一卷韓詩伴羈旅閉戶恍惚參翺翔才疏氣弛不得近  
翻然虎賁欺中郎雲龍上下孰能及私淑儻附藉滌行  
南飛一鶴曠無侶惟君今日相頡頏老成聞見異流輩  
一勺可砭千夫狂半生膏膺坐孤陋欲往與君求津梁  
鶴再南飛集高密李少鶴先生憲喬作君言先生許  
選韓詩甚精粵西人士傳習者甚眾允爲余購求也

風夜懷吳稼軒

旅館坐無營心理得所養積埃浩呼洵迢遙一林莽橐  
籥不可停生機滋胷蠻萬木待榮發紅紫燭霄壤不醉

甯非癡良時休慨慷故人當此夕退直掩幃幌魂夢若  
爲通歸風送蘭檠

贈張海門用海門與王少和酬唱詩韻

春星落落天宇空連宵狂飲嫌未痛抗懷風雅今幾人  
長水詩翁語多中干林誕漫韶光縱有客泯泯中心洞  
不好諧人絃孤弄豪情銷歇身若癡敝車羸馬偶朝參  
暮詩晚筆辭羣閏年華冉冉不自憐轉向名場埋霧霧  
腐儒于世無一諧悔不鍊才爲大用跼處難免樗櫟嘲  
思歸常抱江湖夢浮雲蒼狗世所恐歧路亡羊終自訟

玉河極目銷愁淞清游未厭冠裳重殷兄張丈儻可呼  
緩步晴郊勝馳鞚

上巳日獨游厥肆

輦下盛書賈益都記厥因

益都李南澗先生文藻集中有琉璃厥書肆記載乾隆年

間書肆凡數十家今無一存者

百年人事改構造多沈淪我從東髮始

載籍心所親持錢入書肆把冊忘昏晨忽忽卅餘載新  
故悲難陳塗抹等狂瞽至道迷涯津峨峨金馬門簪綬  
駢玢璘歌舞屢夢寐酒肉堆腥葷依違久居此我氣何  
由振今朝風日美枯坐迎芳春興言適郊野花事方遯



巡翻然遂吾好訪古希多聞我生所託命舍此奚足珍  
偶有一得悟歡鬯動彌旬傷心憶鄉里烽火高嶙峋舊  
業不自保卷軸隨灰塵呻吟百寮底萬念銷蹶輪老大  
昧經訓時危才莫伸躊躇大道旁浩歌孰與鄰

與吳稼軒小飲

友道如君媿古人窮途肝膽尙輪囷歡娛杯酒常相覓  
傲兀儒冠老未馴極目江淮愁鴈鴛幾年京洛倦風塵  
市中豈少荆高侶擊筑悲歌若有神

暮春感興

春將三月盡，隔水見山桃。  
風信遲燕地，良辰感我曹。  
揚沙衢路暗，歸夢棹船勞。  
日久無消息，南雲結鬱陶。

清明前二日作

鴻鴈北來少，關河春暮時。  
東風太蕭索，歸夢更支離。  
令節清明近，天涯倦客悲。  
無聊欹枕卧，庭外夕陽遲。

門外

門外是歸路，極天花柳明。  
何時趨隴畝，有客滯春城。  
戰後音書杳，愁中物態更。  
去留難自忖，側耳盼休兵。

贈孫琴西編修

衣言

愁中潦倒千觴酒，眼底長安十丈埃。今日倡酬餘我輩，  
舊時花柳尙樓臺。秋菘春韭殊鄉味，廣宅良田夙念灰。  
極目南雲同灑涕，扁舟入夢且沿洄。

清明日同張海門孫琴西集飲王少和同年海王  
村館

海王邨畔三間屋，退直朋來酒滿觥。尙有文章紀游宦，  
劇憐節物過清明。經年書劍行踪倦，捲地風沙客夢驚。  
千里江鄉歸未決，桃花春水漫多情。

夜坐次韻答何青士

孤鐙蕭瑟夜橫經左右丹鉛手不停作計漸催塵鬢白  
放懷久負舊氈青憑將詩酒芟愁盡憶到江天總淚零  
眼底匆匆春事老故人寥落感晨星

感興

穉柳纔青杏未花寂寥春色半天涯豈真濁酒能忘世  
每到芳辰又憶家寒食清明餘客淚白雲黃鶴起悲笳  
山中禽向今何似風雨銷沈舊約賒

三月十二日同人至大慈仁寺集顧亭林先生祠

感而有作

城西大慈仁經年別未久驅車怯重游往事心難剖嗚

呼顧先生絕學關樞紐身後獲馨祀茅宇未盈畝殘僧

日苦貧不復給埽帚頗聞昏黑間穿窬茲道藪一星曾

未終規模恐難守

祠落成於道光癸卯年冬

東風蕩春晴初日照窗

牖孔君招我來

繡山舍人

再拜陳肴酒餽餘略儀文高歌罄

大斗零蕊小桃妍疏響寒篁朽欹垣竄鼯黠敗壁綴蛛

蚪心悲靖陽長

張石州別號靖陽亭長

耐主埋塵垢何時共王之

兵備呂鶴田侍

一堂羅脯糗諸君隔幽明不得展親厚

蜀道走何郎

子貞學使紹基

螺江返陳叟

頌南編史慶鏞

飄風散飛蓬

夜雨思翦韭凡我同術人  
黽勉敦尚友休賦履綦煩  
毋貽惜學咎未雨亟綢繆  
及時免蒿莠景行此高山  
幻象歎蒼狗出門一欵歔  
何處蒲牢吼

吳稼軒以清明日出游詩見示感和此篇

京門迤南遞郊野萬冢參差居  
人寡吳侯偶作清明游  
鄉思遙遙淚堪把嗟哉等是游宦人  
欲歸不得淒心魂  
松楸鬱鬱在夢寐露零霜落秋復春  
燕州景物東風晚  
飢鴉掠地塵眯眼小桃著花笑向人  
天涯客子中情緩  
苦憶家山當此時繁華飄拂流鶯滿  
薄笨之車日載途

西山舉首含愁遠，吳侯吳侯爾莫哀。良辰相覓酣深杯，  
折腰休戀五斗米，掉首長吟歸去來。

春暮游龍樹寺

酒社詩壇事已陳，游踪獨感鬢毛新。荻蘆天遠思歸棹，  
門巷春來少畫輪。三尺湛盧悲黯澹，十年肝膽委風塵。  
孤懷難向山僧說，愁見飛花滿四鄰。

三月二十日散直後邀湯敏齋侍讀，吳稼軒舍

人昆田訪孔繡山於宣武門北衍聖公邸第小飲

樂枝花下阮文達公元曩假館於此手種樹三十餘株今所存無幾惟樂枝獨盛

客來成不速散直共清樽高館遠城市名花綴小園醉  
餘斜日好靜極眾禽喧相國僑居地摩挲感獨存

游善果寺

前朝遺寺郭西留鐘磬沈沈巷徑幽蜂蝶一庭春漸老  
松風沸耳客忘愁尙憐禮佛棲殘衲莫向頽垣問故侯  
底事恆河悲浩劫應真無語自凝眸

寺爲明英宗天順八年尙膳監陶榮

題請賜額東西廊五百羅漢則孝宗時內官監姚訓所  
遺也碑載四至有北至太平侯牆之語太平侯不知何

許人

年來



城上烏啼欲落暝關河極目思如雲暖風著意催春色  
騷客無聊倚宿醺屠狗休懷燕市舊聽雞虛羨祖鞭勤  
年來宦味渾如夢豪竹哀絲不可聞

次韻酬邊袖石

京華仍旅食江國憶漁翁苦被浮名誤何時逸興同酒  
痕付殘夢花事逐飄風索處勞相訊新詩賦惱公

讀艾至堂

暢

詩集賦寄

作吏尊吾道還鄉已白頭老懷依畎畝詩句滿滄洲望  
古心何極憂時淚豈收天傭家世在不負此貽謀

有感二絕句

年來百事都無著  
咄咄書空暮復朝  
徑欲奮飛向滄海  
大鵬希有共逍遙

莊生底事憐朝菌  
楚客多情賦紉蘭  
安得臨江買茅屋  
菰蘆萬頃卧荒寒

贈易海青舍人

堂俊

燕南趙北疲車馬  
官意文情動慨慷

隋書李孝貞傳官意文情一時盡矣

與爾同居百寮底  
放歌那復少年場  
丹鉛不朽心堪託  
樗櫟相依老未妨  
魄磊填胸銷未得  
酒酣中夜舞魚腸

東周荇農侍讀

壽昌

天涯烟樹爲誰青  
遙望晴川與洞庭  
鄉信中宵餘短鴈  
舊交此日感浮萍  
春光九十歸何驟  
生事闌珊醉復醒  
漫擬名山可終老  
百年懷抱已飄零

春暮訪孔繡山庭中白丁香花盛開歸寓後作

素豔疏花謝綺羅  
朅來消息感蹉跎  
欲尋酒侶已非昔  
對此殘春奈爾何  
客路緇塵銷鬢髮  
故鄉好景負巖阿  
思君未覺重闌遠  
佳日琴樽且嘯歌

四月初一日感成

失母十餘載尋思萬念灰蒿廬在天末生日最堪哀兵  
火橫江暗羈懷歲事催夢中聞喚語何不早歸來

吳稼軒招同唐伯華

恩壽

孔繡山

憲彝

許海秋

宗

衡張午橋

丙炎

諸舍人集慈仁寺餞丁頤伯戶部

南旋

斜日明僧廬清景渺林壑驪歌送行人壺觴茲焉託虛  
檐鳥自啼中庭花已落主賓盡真率矩坐展歡謔野驛  
單車行江關兵氣惡勉此游子身臨歧進三爵

題邊袖石詩卷

燕臺花落綠陰初，門巷稀聞走鈿車。顧我生涯甘自老，  
把君詩卷更相如。河聲嶽色盤紆際，北宋南施想像餘。  
名輩已深彫謝感，

聞姚春木包愼伯兩君均下世

青山何日關精廬

懷同里胡東谷

兆春

故鄉遙望客魂驚，憶汝年來不盡情。渺渺晴川賸衰草，

荒荒鄂渚倚孤城。風濤無地通舟楫，契闊何心問死生。

慷慨片時憐弱女，哀詞讀罷淚猶傾。

君有愛女爲吳少白長庚子婦少白

爲武昌學官王子冬省城失守率家屬殉難  
君女與焉君曾以祭少白及哀女文詞寄示

直廬有作

身以女... 卷一  
三三  
文書遮眼競紛拏判筆如風頗自如偶藉俸錢資吏隱  
那須才藻媿嚴徐紛紛楮幣籌條令擾擾烽煙走傳車  
偃蹇難期中繩墨肯容養拙到寒樗

出游

春景無多去渺茫郊原縱步不嫌狂鶯飛草長思儔侶  
趙酒燕歌助慨慷精力消磨詩句健風塵回憶歲華忙  
鐘聲一杵來何寺柳外流波送夕陽

龍泉寺楸花歌

燕南花事苦太促迎繁送謝無終旬花之海棠不及看

覺生極樂稀游輪

右安門外三官廟海棠極盛曾賓谷侍郎煥易名花之寺覺生極樂亦寺

名在西直門外

城隅有寺地較邇院宇沈豁清埃塵道人導我

窗下坐庭楸一樹猶鮮新密陰綠葉森眾植耳聽鴝鵒

鳴蕭晨傳言此樹不知紀老榦作態含愁顰疏花微馥

近莫卽隨風彷彿飄衣巾昌黎當日笑頑鈍九牛一毛

孰悲辛

見韓集庭楸詩

抗心獨往若神契遲暮休怨生非辰丁

甯爲我勤灌溉邀客更賞明年春

### 崇效寺看牡丹

西山夜半過微雨破曉隨風到寺門苔蘚荒碑屢來訪

桔槔流水偶聞喧樓臺涌現莊嚴勝草木渾忘富貴尊  
老衲無聊倦修葺經春漸少客攜樽

再柬易海青

沅湘老輩推歐鄧

歐陽礪東丈紹洛  
鄧湘皋丈顯鶴

遺韻于今未寂寥

青眼照人當代少黃塵蔽野客魂銷蘇門嘯詠留巖谷  
河上茅廬羨緯蕭與汝他鄉感蹤跡狂來託興且歌謠  
四月八日陶鳧香丈招同人集紅豆樹館出觀明  
仇十州畫浴佛圖及諸名人畫冊

錦囊玉軸足家資詩老前身是畫師浴佛幾人留粉墨



諷辰留客泛瓊卮紫薇今掌絲綸筆紅豆曾傳絕妙詞  
韋杜鶯花深似海年年撰杖許追隨

偶成

越州美醞助酡顏佳日登樓我獨閒楊柳滿城春去久  
銷魂何必唱陽關

胡心耘博士

斑

來自吳門以所印活字板琳瑯秘

室叢書四集相質賦答四絕句

江關兵氣劇堪哀井邑蕭條幾劫灰吳下有人能好事  
二千里外載書來

豔說詩人鮑夕陽當年姓字動

天閨

欽鮑深飲先生廷博刻知不足齋叢書凡三十集嘉慶初進御會邀恩賞藝林傳爲盛事先生

早年賦夕陽詩得名一期君努力收奇秘莫使斯文付散

亡

米貴長安不易居還家何處構吾廬謀生拌笑儒冠誤

尙乞琅嬛未見書

余家漢上藏書兵後不可復問

宋世文章重石林遺編今日費搜尋因君問訊調生叟

滴露研朱百代心

家調生文學廷珪搜刻石林先生遺書校證精確余以舊藏巖下放言錄

劇寄質心私見之許爲善本意欲編入叢書第五集中

題朱建卿助教

善旂

保石圖

拳石託知己淒涼已百年  
投經聞北海遺澤比平泉  
氣以靜能壽質因蒼益堅  
仇池焉足擬矧藉晉卿傳

見坡公詩

又題夢梅圖

故山繞屋樹千株  
手種寒梅今有無人  
事蕭條兵燹後  
雲霄惆悵月輪孤  
多君寄興牽文藻  
飛夢頻來入畫圖  
同向天涯羈薄宦  
聊將詩酒作歡娛

獨坐偶成

閉戶渾如林谷深  
紅塵何事苦相侵  
酒徒經歲各歸去

詩句無聊時一吟夢逐江流泛舟楫卧聞啼鳥判晴陰  
匆匆又見春光盡走馬邀誰出郭尋

胡心耘屬題琳琅祕室叢書率成五言一章卽送

南歸

胡君性嗜學于書無弗好鑿楹富遺編發篋稟鴻教

心耘

少孤母蔣氏保守遺籍俟其成長而授之

手闢琳琅室萬籤垂炳耀鳩工法

聚珍板印廣羣妙累月鉅篇成謝彼麻沙誚首列孔庭  
記洪流仰瀛嶠崇聖備典實用爲後世導其餘百家言  
綴緝殊竊剝纖碎毋屏棄亦足窺奧突多君具苦心矻

矧功日劬炎暉蒸赤埃叩門來我告辱贈盈尺書何啻  
貺簞犒去年八月中吳閫風鶴譟挾冊卧窮廬尙友堪  
高蹈居鄰有吾宗商訂契同調

去年八月上海城陷吳中遷徙殆盡心耘獨閉

戶修書與家調生明經最爲相得

宋翁賦遂初

于庭丈

樸學得深造君歸

及秋風尊酒定相勞胥江月滿天飛夢隨征櫂

敦夙好齋詩續編

卷一

三

敦夙好齋詩續編卷一終

男恩頤謹編

敦夙好齋詩續編卷二

甲寅五月  
至十二月

漢陽葉名澧翰原著

薇省二集二

聖安寺

白紙坊前路東湖舊有村金源遺象渺楊柳幾株存鄰

右叢腥穢詞流斷酒樽雕鏤勞宦豎廢碣不須論

日下舊聞

考引析津日記此地名東湖柳村明正統十一年易名普濟寺內官營建欲侈已功既更新額並去舊碑使考古者無從徵信爲可憾也元迺賢金臺集言寺有金世宗章宗二象又朱竹垞檢討據宋顯夫南城俚歌並有李宸妃象國朝諸老嘗譙飲于此王樓村修撰式丹集商邱宋公招游聖安寺詩有琳宮畫象事依稀及不

須重問李宸妃之  
句蓋失去久矣

贈張海門

張郎詩句老無敵  
眾妙盤旋孤往中  
歐冶自鑄湛盧劍  
孟郊那是寒號蟲  
名場瞥眼笑容鬢  
旅舍高歌驚雨風  
芍藥櫻桃已登市  
閉門偃仰如欹篷

有感

帝鄉景物藹簪裾  
有客臨風歎索居  
烽火故鄉迷道路  
親朋隔歲斷音書  
匆匆人事酬蒲酒  
落落年光困蠹魚  
把卷深宵擁殘醉  
膏騰未覺壯心除



淨業湖訪梧門祭酒故居

我來入圖畫攀手近仙都荷氣浮天去空濛欲滿湖詩翁昨游地風景豈云殊化鶴歸還未雲端儻可呼

六月十三日作

時聞武昌行省又失守初二事也

世亂何能已戎機孰早籌無家返江漢有恨倚吳鉤莫誓中流楫休登異地樓醅醕千日酒一卧付沈浮

城東

城東風景偶淹留歌吹喧闐列肆稠倦客每深佳節感畫輪不少貴人游驚心戎馬歸無計沸耳笙歌醉亦愁

跣跋黃塵銷不得刺船徑欲問滄洲

與陳右臣

汝鈞

小飲述懷

鄉關歸未得薄宦又經年車馬愁歧路壺觴損俸錢青  
蠅空復爾白水故依然長物從誰覓傳家一敝氈

游龍樹寺登看山樓

暫茲文書屏塵事倏若忘意行適城南如游濠濮鄉言  
登寺中樓曠覽何茫茫熱風蘊餘燠平野蒸秋陽蟬鳴  
不可止感候多清商田家未刈穫禾黍浮清光西峰蔚  
嘉木羨彼禽鳥翔白雲蕩無際客思隨飄揚

懷劉楚楨

寶梳

爲憶三河宰，頻年消息疏。  
定知徭役苦，所願甲兵除。  
江海休回首，風塵莫遂初。  
三盤時在望，秋色復何如。

閏七夕

月帳星房望寂寥，碧空無鵲路迢迢。  
空勞世上癡兒女，結縷穿針又一宵。

秋日吳稼軒招同張午橋舍人

丙炎

游陶然亭龍

樹寺飲于酒樓

金閨荷通籍，結念非纓簪。  
良辰值休沐，素侶成幽尋。  
寥

寥城南地漠漠清秋深  
陟亭溯禊會撫樹悲祇林  
輪蹄遠塵氣葭莢流繁音  
喧寂理則一榮悴感在今  
酒樓澹斜照美醕盈芳斟  
中情暢遙夜萬象含苦心  
彈冠貢公喜思越莊生  
吟仰視霜露降憂思浩難任

秋日退直冒雨出長安門車中作二首

秋風颯城闕霖雨連  
朝昏瀑直從公歸  
出自長安門漢潦壅衢巷  
馬隕車易翻一身苦瑟縮  
盤旋如轉丸微官鮮薄效  
心痲遑足論日飽太倉米  
愧聞伐檀言不如橫戈士  
一戰垂功勳

峨峨中書省服官我已後不見諸老輩典型徘徊久歲  
紀周一星人事紛蒼狗隱忍爲圖防恆若箝在口中原  
方多故不得返林阜幸際

聖明時獨行矢无咎雨風敢辭勞泥塗鍊身手

與吳稼軒

遞日同趨直猶嫌會面稀渾忘爲客久無那讀書違入  
市狂呼酒看山可當歸秋風驚又至苦調滿金徽

早直

夕拜瞻金鑰晨趨仰麗譙文章尊典則規制冠羣僚厨

儉炊常緩班清味獨饒婆娑念庭樹無奈雨風搖

庭前老樹

大風折枝

題寄巢夜話圖寄儀徵張石樵丈

安保并序

嘉慶乙亥初冬大興舒君鐵雲

位錢塘趙君穀菴皆

旅居真州石翁與其鄉人童君石林

錫齡

過趙君寓舒

君亦至譚讌甚歡舒君歸吳門後旋卒石翁屬張君老

薑鏐作圖寄感未幾老薑及圖中人次第下世所存者

石翁一人而已令子午橋舍人屬爲賦詩

舊游軫夢寐歷歷風雨宵燈火炯圖畫踪跡猶雲霄閒

關未可絕冥漠渾難招人能幾何託處伴鷓鴣性命  
重交際千春爲久要修名期早成餘緒垂詞條涼秋少  
去鴈萬樹驚商飆望君著書廬浩渺江波遙

過松筠庵

明楊公椒山故宅

生計艱今日無人侈宴游閒房棲老衲遺貌自千秋  
謾松濤落堂堂諫草留往來風馬地何事溷清幽

此地  
譙飲

最盛今  
年少減

秋夜同吳稼軒張午橋醉後放歌

明月在層霄照我三人飲三人同抱九秋氣萬古蒼茫

動淒慄長安大道多英才雕鞍寶馬趨若雷金張許史  
各騁逐云何鬱鬱中腸摧舉杯狂擲起長嘔朝雲暮雲  
紛變態壁上時聞鹿盧聲眼中不見荆高輩荆卿漸離  
彼何人易水浩浩悲歌聞積薪偶抱長孺痛障扇空污  
元規塵秋風摧叫城頭烏燈花將爇清夜徂徑欲擊碎  
青珊瑚酒酣相對歌嗚嗚何如歸營山中廬有田可耕  
谿可漁江湖波浪知何限萬里閒鷗炯自如

秋夜對月

明月如好友吾廬常夜到靜中愜幽情相對久逾妙大



地稟秋肅風籟斂羣竅光涵太虛間叢翳爲之掃穆然  
無一言性天獲所好

黃子幹將歸撫州出示燕臺續草賦贈

天涯兵火近如何風雨難禁鼓缶歌與爾今朝共羈旅  
一編相對慰蹉跎匡時事業心空在滿地江湖感易多  
但使琴樽寬歲月不妨庭戶老烟蘿

夜坐書感二首

慘澹愁人事蹉跎笑此身百年方浩浩一飽且踈踈公  
退門庭寂宵長簡冊陳吾生休自忖牛斗詎能神

室廬阻江水骨肉望炎天烽火何時息音書久莫傳醉  
鄉從卜隱旅枕欠高眠玉漏聲將盡東窗日又暄

醃菜

霜飄降吾廬禦冬旨宜蓄何物供盤餐菜根味尤足村  
民獨輪車采販道相屬計直罄所有數錢動盈束芥菁  
判甜齋厥品本一族詩人惜下體葑菲亦見錄密葉紛  
離披皎質謝污濁縷切流芬馨秋老氣清淑益盎各釀  
漬可冀及旬熟託生一長鑱無地求黃獨百事未暇爲  
茲物從所欲笑顧家人言今年乃果腹

秋晚對雨

淒辰苦無悰，旣夕更紆軫。殘月升高檐，同雲遞遠眄。中庭鳴雨風，繁響互淒緊。隱隱涼煙生，蹀蹀寒捧隕。境遷嬾一靜，緒雜動相引。學道未有涯，吾生將安準。忻戚豈異觀，喧默任虛牝。貞此抱獨心，乘化恆莫盡。

九月朔日入直

閏餘屆季秋，旅候象冬日。霜華先夜濃，風色散霄疾。在公自有期，劣馭粗可叱。凜凜衣裳單，策策筋骨慄。度橋石路滑，俯流冰花密。透池達掖省，龜勉供札筆。願懷鵜

翼慚終謝祥鳳質守真理無歧持滿量奚溢職思風人  
戒摧如易言述日月不可居奔走感鷓蟀

聞孔宥函

繼錄

遊西湖

羨汝乘秋擢西湖得縱觀奇情殊浩蕩妙句寫高寒世  
外愁應遠勞生願豈殫江天莽回首風景幾凋殘

不寐聞鴈

寒燭無光夜氣清射窗星影誤天明旅人不作還鄉夢  
卧聽秋風萬鴈聲

龍泉寺小憩

紺宇琳宮夕景延郊原寂寂始霜天不知風物將重九  
忽覺情懷異少年塵世笙歌愁更劇江關烽火望無邊  
勞生那得須臾靜暫傍蒲團似近禪

湯雨生都尉

貽汾

去年二月殉難江甯頃讀其絕

命詩愴然有作

將軍門第承忠孝

君大父緯堂先生大奎爲福建鳳山令死于賊君父與竹先生荀業殉焉

歸傍名山作寓公白髮千莖悲老大清流百尺畢英雄  
故鄉魂魄依何地

君世爲武進人

垂死高歌振遠空廿載相知

慳一面思君有淚灑秋風

敦夙好齋詩續編

卷二

重陽前五日吳稼軒邀飲

紫蟹黃花節屢過與君豪興漸消磨  
相期晚歲盟雞黍未可清樽罷嘯歌  
玩世一官成激宕謀生無術悔蹉跎  
閒中風景休虛擲千日中山詎足多

柬王少和二首用少鶴讀孟東野詩韻

日月嬪英蕞絜積乃成節坐覽羣象移  
抱茲孤懷潔大化無盡藏惟人啓其緇  
風雅降至今譬彼河水折藝林獲餘瀝  
寶之勝環玦境真劫莫倣柔翰燭心血  
飾貌久必衰由衷詎云劣瑕瑜質相承  
薰猶氣各列一息滋千

春吾道懲滅裂復古冀同方怒焉心如噓

長安馳傲車瑟縮風霜侵爾我皆詩窮鍊此身與心稷  
契遜才抱塊處愁盈襟膜外視通塞衷曲明淺深功業  
未敢期文字或足任夢寐鄒魯游涕笑蓬廬吟條榦槩  
凡植鳴止遵時禽笙磬一以舉攻錯相爲箴浮湛旣寡  
適日夕聞嘯嗽嘯嗽本孟東野病客吟歸思各輪轉千感成一瘡  
漑漑大江水峨峨八桂岑

聞官軍收復武昌漢陽寄曾滌生侍郎

國藩

使君轉戰頻年苦一夕樓船下武昌羣醜聞聲褫膽魄

至尊含笑覽封章可憐漢渚風煙盡極目江天壁壘長  
籌策更爲司牧告撫綏何以莫流亡

九日同吳子苾京卿式芬李古廉學士清鳳顧子

山刑部文彬孔繡山惠彝吳稼軒昆田張午橋丙

炎三舍人晨集慈仁寺願亭林先生祠登毘盧閣

遺址酒後遂與古廉繡山稼軒午橋諸君出廣安  
門至天甯寺訪菊暮歸得詩二首

雲物眷佳節際曉城西游城西有古寺亭榭涵清幽昔  
賢此廬旅炊羹聯朋儔見李天生先生詩自注蒼松非故枝傑閣



餘荒坵登高縱遐抱關河悲凜秋東南渺一髮風塵苦  
未休俯仰命樽酒緜邈思前修欲起九原下經緯陳良  
籌

國門不數武塔勢摩穹霄寺僧一老圃生計黃華饒叢  
英綻穴室蕤漑非一朝舉世欣茲辰挈榼相招邀輜駟  
盛阡陌士女殊逍遙吾儕樂骨傲所厭鄰塵囂跌宕文  
字飲延企

昇平朝卻望翠微嶺寒色明嶢嶢斜陽在馬首來徑逢  
歸樵

是日將由天甯寺訪白雲觀日暮不果

看徧天魔舞道場清秋選勝感殊鄉高臺客趁菜莢會  
上界筵開薏苡觴幾輩御虛成脫化頻年散劫歎流亡  
眞靈咫尺容余問暮景無端路渺茫

重題憑虛閣雅集圖

并序

道光戊申五月孔君繡山薄游金陵與湯雨生都尉訂  
交邀往鷄鳴山登憑虛閣觴詠終日雨生有詩紀事並  
屬陳岳樓山人作圖贈行繡山入都余爲題詩卷尾茲  
甫六載雨生遇變盡節畫中風景有不堪回首者百感

交集再成一首

昔年展斯圖風雅念儒將江表方又安琴樽共跌宕君  
乘扁舟來覽古心獨壯文采追六朝名勝不一狀高閣  
長埭問地主此嘉貺朱明屆炎節巾服秉超曠珍木連  
平疇奇雲吐層嶂拍拍鷗侶閒田田荷始放清暇任容  
裔遄歸且歡暢金陵予舊居繫世崇族望中途旣播遷  
源本未可忘鞅掌困一官卧游神夢颺先人有廬邱歲  
時益悽愴羣盜蔽江來千里斷行舫天塹疏防維鯨鯢  
恣趨亢山川色如晦花鳥誰與傍歷歷君所親粉墨神

自王湯老泉下人驚俗畱高唱

卷中有  
雨生詩

白首隨靈均沒

世表忠諒想見閒居辰蕭然一得喪過江富名流消息  
詎無恙側身天南隅鼓角騰萬帳故物含深悲天涯鬱  
遙望

寄孔宥函

稷氛已見消全楚旌旆何時下秣陵慘慘笳鳴聽易老  
茫茫天塹豈無憑幾年廬井紛離析觸目亭臺感廢興  
霜氣漫空秋欲盡思君聊復客樓凭

聞曾侍郎克復黃州統兵東下

彼君持節鉞鼓棹下黃州士氣伸全楚威名振上游  
江雲烏肅負罔虎狼愁一戰消烽燧毋勞

聖主憂

王少和同年將移居賦柬

朝入承明廬暮作感秋客長安十餘年寄身靡安宅手  
持東野詩爲言有標格擔負家具少一轍槩今昔貂裘  
汙酒痕瘦馬傲霜色聽鴈旅腸轉乘月鄉夢窄窮年計  
恆艱萬古胸有獲請君拓餘畝種花復位石待我跋履  
來歡詠三五夕

遊西直門外諸寺

近郊蔚名勝佳日客來稀  
寺冷無黃菊天空展翠微  
樓臺晴自遠松櫪動成圍  
共說

高宗代山僧遊

鳳旂

極樂寺詠柳二絕句

霜落寒空鳥不飛  
寺門深鎖畫輪稀  
堂前綠柳垂垂老  
一任飄零送夕暉

張緒于今漸白頭  
殿前那復說風流  
可憐寂寞人誰問

欲舞長條不自由

萬壽寺行

百石之鐘不可見松葉飄香覆廣殿乾隆

天子曾摩挲豐碑蠹蠹立郊甸黃山仙域誰能棲三盤  
絕巘無人躋何如七株傍雲日千百餘載輝

宸題殿中老佛手持鉢無心相遇解膠葛山僧笑我不

擲錢直以升沈等毫末

殿中古佛捧一巨鉢寺僧令遊人擲錢于中視中否以決人事

休咎攀石尋級躋荒苔振衣肅肅清森吹太行一片從

西來浮雲落日相裴裒裴裒復向松根立瓊粒盈庭可

採拾天半濤聲挾海奔錯疑旗蓋神靈集

贈許海秋舍人

宗衡

車馬二千里艱難將母情長貧棄鄉井失計逐浮名烽  
火愁中遠家庭事易更憑誰叩生理去住未分明

尋歸義廢寺

善果寺僧言當  
在今勉善堂側

香刹開天寶枿題失契丹碑尋歸義日幢惜會同殘卓

錫僧蹤絕呼風鳥翻盤遺聞詢善果佛火久荒寒

寺建  
于唐

宣宗大中十年因史氏歸順封歸義郡王此寺名所由  
始也遼會同時重修尋復荒廢乾隆十九年土人掘地

得石刻二置善

果寺今亦不存



賀王少鶴同年移居永光寺街

游宦天涯托迹親寺鐘彷彿證前因卜居差似東西廨  
賀厦紛來燕雀辰入夢煙波思泛宅聯吟人海好藏身  
殘年風雪還相逼祭竈知君例請鄰

名澧時寓椿樹第一巷去君新居甚

近

九月二十六日同吳稼軒張午橋小飲因至西郊  
游極樂寺萬壽寺紫竹禪院晚入西便門歸途過  
善果寺四首

暫釋塵鞅勞聊與壺樽歡酒罷各無事出郭相盤桓霜

曦肅萬彙山色何高寒當午氣自煦橋水鳴潺潺紆曲  
見僧寺犬吠疏林間沈沈國花堂高柳垂婆娑我來未  
及旬長條淒已殘

在昔乾隆年景物萃郊淀

幾暇屢省耕

龍舟盛游讌時奉

聖母來

萬壽崇經院

一人自咏陶四海當清晏所嗟歲月遙吾生未及見鬱

鬱支離翁人事閱飛電豐碑屹山門億載仰

宸眷

昨詢紫竹院徒御皆迷蹤蓄意茲再來榜題落眼中方  
塘廓荆蔓雲水交冥濛入門亦修潔篠蕩搖青蔥庭樹  
紛隕穉颯颯疑雨風淪茗得微憩何必聞清鐘相約荷  
花時卻暑酣碧筒

日落天西隅寒光散林藪並轡遵巖闥晷短苦未久陂  
陀轉復盡精藍大道口尋碑縱餘興廊宇環深黝東林  
附名賢取笑彭澤叟

善果寺前院西南隅廊下祀遠公  
象配以陶靖節不知何人位置也

微吟閒居篇忽復逾重九故園幾樹梅此日著花否

時立

冬已九日矣

九月晦前一日遊萬柳堂

沈寥天氣正殘秋一角寒城策馬遊地僻昔曾垂柳徧  
霜高時聽去鴻愁亭臺寂寞詞流盡墟墓參差夕照留  
獨倚禪扉重惆悵枯蘆萬頃送颺颺

夕照寺

東郊天欲雪下馬叩招提吠犬驚遊屐殘僧出杖藜憑  
高橫雉堞獨坐聽鴉啼零落名賢筆雙松暮景低

壁間有陳

壽山所畫  
雙松巨壑

漫興

長安米貴諸郎困，廣莫風高五夜寒。  
低首塵埃惟薄笨，仰瞻星斗正闌干。  
謀歸松菊無三徑，靜對絲桐偶一彈。  
何事宦遊感排迮，

排迮見後漢書竇融傳

朝衣顛倒酒痕殘

右安門外偶眺二首

豐宜門外柳對我，尙婆娑此地停車少。  
攀條客淚多緇塵，淹歲月故侶渺。  
山河無復春光好，銷魂奈逝波。

道光庚子

春孔繡山秦澹如兩君  
招同人餞春于尺五莊

廉相堂何在風流五百年酒狂聞學士花事散歌筵  
元  
右丞萬柳堂當在  
此地今不可考  
地敞烟霞氣霜停沆瀣天登高送秋  
去歸思與纏脰

天甯寺塔影山房小坐

蓬廬枯坐迥寒辰欲展幽懷且出闔殘菊尙能留過客  
禪房一別已經旬老僧愛客嫺酬接晚稼登場樂比鄰  
獨向平臺斟苦蔗夕陽孤塔問前因

吳稼軒將出爲丞牧有贈

不欲君辭去天涯失所親聲名從寂寞符檄勸遠巡適

意娛尊酒相期避要津  
浩歌望眞宰毋負百年身

過水月禪林追懷姚鏡塘兵部丈

學峽

窮宦垂卅年棲身一蕭寺  
騎驢自公歸孤燈照文字  
食貧心罕營耽道節彌植  
家室天之涯悲哉沒無嗣  
門生爲治喪苕霅返松隧  
老成久凋殘往事幾人記  
禪扉斜日間悲來爲旋轡

冬氣

冬氣增蕭索風沙撼素柯  
閉關求屈蠖趨省耐疲羸  
循例餐錢費尋常酒債多  
廁身一檣散歲月付高歌

卽事

微霰未成雪朔天終夕陰空庭稀過鳥斗室事孤吟懷  
古叢牋對忘憂濁酒斟忽聞喧臘鼓振觸歲華侵

訪易海青舍人入直未歸

燕市朔風厲客居殊尠歡故人容造訪破屋牘蕭寒卒  
歲經營拙從公職業殫與君依井德終古不波瀾

子與君居

門外皆有井

臘鼓曲同許海秋作

霜天動淒籟鴈下寒城陰關山試極目歲晏生愁心愁



心不可緩才于壠頭晚日落村童閒鼓聲近復遠打鼓  
敲連鑼徘徊明月圓三三又五五結伴相爲歡參差逗  
風雨燈火草檐下一唱蘇幕遮再歌御田祖田祖爲驅  
然歲歲如今年餘糧飽兒女百室鳴填填春深令人老  
綠鬢孰長好東風幾時來千里長春艸

次韻王少鶴感興

車騎朝朝問綺闈歸來且盡碧醪春登場傀儡身將老  
送臘都曇耳又新頻誦韓文嘲進學幾聞鄭驛解留賓  
江湖計日烽烟靖競病相酬句有神

東許海秋

之子處深巷，霜風瘦聳肩。旅心愁落月，生事問凋年。儘  
有寒江夢，空餘客坐氈。梅花林畔宅，離緒說纏緜。

冬至後十日孔繡山招飲致經堂

萬木迴陽氣，虛堂暮色侵。詞人貽藻繪，出示改七香山人詩畫四幀甚

佳

片石感杯斟

酒器甚富有斗形者傳爲明魏闡墓石鑿成

日落催歸騎，鴉

啼帶遠陰。從戎休厭苦，拂拭舊霜鐔。坐客有自山東高唐軍營來者談近

事甚

悉

蒹庭行

張家口外天雨雪千里百里鳥飛絕貂帽羊裘蒙古王  
歲十一月來京闕元玉紫玉珍珠漿鹿尾鶩炙流芬芳  
部落隊隊塵沙揚玉河橋畔賓館張橐駝背上風吹語  
環珮琮琤載妻女天上笙歌幾曲聞春光飛到穹廬侶  
穹廬歸去舞且嬉手捧珍賚生光輝年年盛夏青蕪滿  
長使蕃庭牧馬肥

十一月十五夜同人集吳稼軒寓舍釀飲看月  
黯澹雲垂欲雪天晚風忽送月娟娟清尊幾處今宵共  
皓魄相逢特地圓好似雞豚謀里社漫將裙屐感華年

長衢一望明如晝歸卧荒廬思悄然

詠水仙花次何青士韻

結束翩翩態度真道家心性女郎身參來水月宜供佛  
喚作蓮花亦可人塵世鬢鬢羞比豔瑤臺伴侶不知春  
凌波一段頻描寫始信陳王筆有神

讀溫翰初

肇江

遺詩感舊追悼

尺五城南路高秋醉客筵黃墟回輦少麗句至今傳冠

蓋非疇昔風流勝管絃百年心未了淚灑此遺編

道光己亥

秋名禮借黃蓉石玉階邀陳雲伯丈文述暨君城南僧  
舍文懋竟日將乞君寫圖不果雲伯丈旋作宰繁昌蓉

石歸粵東數年間先後謝世君亦  
浮沈農曹以終思之殊慨然也

冬日酬孫飲生同年家醕

五嶽清游病未能與君朝夕望觚稜閒坊寂寞青驄少  
急景消磨素髮仍暇日祇宜書怪咄中年漸減興飛騰  
閉門那有藏山業夢踏黃河雪夜冰

酬謝默卿兵備元進

轉權江淮路驚心四十春長才屈僚佐勝事屬詩人使  
節蒼梧遠新除廣西分守  
桂平梧鬱道歌吟紫甸新王程重回首容

夢感車塵

君自嘉慶辛酉出都  
迄今四十餘年矣

讀汲黯傳

以下三首消寒第二集作

孝武故嗜儒踐阼年方冲使倚董生相孰敢消神聰黯  
也惟慙直同朝罕希蹤左右鮮汲引君德嗟難崇坐令  
阿附徒蠹居尊要中屏棄遠廷議禁闔不汝容奈何弗  
早及鬱鬱淮陽終遇主詎云晚禮數何優隆動靜見嚴  
憚身沒成其忠所惜術未純拂士良足風求賢首正學  
責備先臣工

關山月擬古二首

鴻鴈風高夜色涼金尊玉盃醉沙場關山閒殺當頭月

那許征人更望鄉

風煙不是春江夜樓閣遙瞻白玉京聞說軍門刁斗靜  
休教去客促雞鳴

次韻荅何青士

關河歷歷枕邊夢鴻鴈寥寥天半音往事且觀齊物論  
百年休負結廬心祕書坐上酬文字履道坊中署醉吟  
聊共煖寒酬夜永

唐王仁裕每大雪掃徑延客謂之煖寒會見天寶遺書

不辭風

雪話情深

何青士齋中消寒小集疊前韻

經冬盼斷燕山雪捲地時聞朔吹音歲序侵尋爭晷景  
齋宮祈禱懍

天心生涯草草還山夢舊侶依依翦燭吟南國梅花消  
息杳一觴相對感何深

何青士席上觀並頭菊二十韻

以下二首消寒第  
四集

高館歲晏辰寒花聳孤媚一枝尤具妍並蕊自相儷譜  
錄所未登英華特矜祕在昔略篇詠何人擢荒穢因懷  
故山中斑駁重巖際豈乏挺秀姿駢然傲凡輩眾芳旣  
飄搖奇葩或隕顛尋秋尺五天縱目百花肆雜佩霞環



重分輝月鏡麗

霞環月鏡皆菊名

徵名雖云殊異品恐難致不

圖豔金精宛若結唐棣盤花交碎黃敷葉淡輕翠仇池

椒共譚

吳均瓶說仇池並帶之椒

洛陽鞍可配

洛陽牡丹記雙頭紅雙頭紫二花皆並頭

而生如鞍子願從珏鼓稱恥效邢尹避宛轉意似深綢而不相連屬

繆聚以類造化感偶鍾丹青可兼繪微物遭遇伸今夕欣賞會證乃蘭同心參以蓮並蒂主人亦歡顏坐客歎稱瑞舉杯迓豐年普天麥雙穗

明萬厯誥敕尾錦歌

璽文僅存其年未有萬厯二十七年月日凡入字何青士

戶部所藏

彩錦二尺世希有雲霞眯眼波  
濤走書命當爲勝國遺  
制詞零落何人守螭璽半割紅  
泥鮮暑尾猶存萬历年  
摩挲令我不離手肌理純密光  
尤堅神廟沖齡早親政  
機務頻煩宮掖問丞相臺前繡  
蟒衣元戎塞上死央陣  
江南不停織工機朝廷中葉多  
是非區區一物競妍巧  
尙方寵賚增光輝太倉告乏憂  
泉府胶削齊民逮巴楚  
漆室惟聞寒女吟裘裳那更朝  
家補殘珪短壁同精神  
齊執魯縞安足珍奇文細盤珠  
絡索異緝直奪銀麒麟  
文臣錫類崇彝典濡毫竟以諛詞  
顯

湧幢小品言明代  
文臣詰救窮工極

乃新鄭江陵皆豈有勳名鐵券頒誰堪殿閣絲綸選姓  
有禁終不能改

氏磨滅興亡中何郎懷古思無窮晴郊相約馳游轡一

訪蓮臺菩薩容

悲聖李太后夢中示異曾畫九蓮菩薩  
象今存阜成門外八里莊之慈壽寺

聞官軍九江報捷許海秋齋中作

江關烽火感難勝馬上長纓請未能一自軍聲羣辟易  
不禁旅思忽飛騰朔風倚醉歌燕市午夜披圖說秣陵  
幾度天涯勞悵望鼓鐙好及上元鐙

十二月十八日醪飲何青士齋中預爲蘇文忠公

作生日用公集中生日王郎以詩相慶韻

雲車神馬空中趨，條風隨公來于于。升堂先期爲公壽。

登履往事人追摹。

同樵

古稱祭酺必相醪，吾儕數典酬先

儒。朝聞班春走京尹，如雲士女喧城郭。韶光去我一彈

指，潮鳴應候驚雞杼。銅盤絳蠟動宵色，當筵一曲千明

珠。公之靈爽無不至，豈以磨蝎關榮枯。荔枝三百佐觴

薦，分甘共飫天漿腴。

名澄，携粵荔枝往供焉。

### 甲寅除夕

爆竹聲中歲又除，舊時風味尚茅廬。翦燈未敢陳詩祭，撥瓮猶欣漉酒儲。梅柳依稀江上夜，鴈鴻留滯嶺頭書。

天邊行見欒槍掃譜就鏡章獻

帝居

敦風好齋詩續編卷二終

男恩頤謹編